

Ա. Յուխտ

ԱՍՏՐԱԽԱՆԻ ՀԱՅԿԱԿԱՆ ԳԱՂՈՒԹԻ ԲՆԱԿԶՈՒԹՅԱՆ ՍՈՑԻԱԼԱԿԱՆ ԿԱԶՄԸ 18-ՐԴ ԴԱՐԻ ԱՌԱՋԻՆ ԿԵՍՈՒՄ

Ռուսաստանի հայկական գաղութները, լինելով հայ-ռուսական դարա-
վոր կապերի արտահայտություններից մեկը, կարևոր դեր են խաղացել այդ
կապերի զարգացման և ամրապնդման, հայ և ռուս ժողովուրդների փոխա-
դարձ շփման և մերձեցման մեջ:

Ռուսահայ գաղութների 17—18-րդ դարի պատմությունը մինչև այժմ
մնում է հայ-ռուսական հարաբերությունների ամենից ավելի քիչ ուսում-
նասիրված հարցերից մեկը: Մինչդեռ այդ գաղութների գործունեության
բազմակողմանի ուսումնասիրությունը հնարավորություն կընձեռի ավելի
լրիվ լինել հանել նշված ժամանակաշրջանի հայ-ռուսական տնտեսական,
քաղաքական և կուլտուրական հարաբերությունները:

Ռուսահայ գաղութները ստեղծվել են տարրեր ժամանակներում,
նրանք տարրերվում էին միմյանցից ազդարնակչության թվով, տարրեր
սոցիալական խմբերի տեսակարար կշիռով, բնակիչների գործունեության և
դրադմունքի բնույթով: Այդ գաղութները միանգամայն տարրեր դեր էին
կատարում այն քաղաքների տնտեսական կյանքում, ուր գտնվում էին:

Վերոհիշյալ հանգամանքները անհրաժեշտ են դարձնում յուրաքան-
չյուր գաղութի պատմությունը առանձին ուսումնասիրել: Միայն այս դեպ-
քում հնարավոր կլինի ինչպես հարկն է քննել ռուսահայ գաղութների ներ-
քին զարգացումը և որոշել նրանց հատուկ՝ թե՛ ընդհանուր, և թե՛ ուրույն
գծերը:

Սույն հոգվածում քննվում են ռուսահայ գաղութների մեջ ամենա-
խոշորներից մեկի՝ Աստրախանի հայկական գաղութի զարգացման մի քա-
նի հարցեր:

* * *

Ռուս-աբսեյյան աբսեյյի կարևորագույն կենտրոն Աստրախանում
17-րդ դարի կեսին հայկական, բուխարական, գիլանական և հնդկական գա-
ղութների առաջ գալը սերտորեն կապված էր աբսեյյան երկրների և ռու-
սական պետության միջև առևտրա-գիլանագիտական հարաբերություննե-
րի ընդլայնման հետ:

18-րդ դարի սկզբին Աստրախանի հայկական գաղութում, համաձայն
հոլանդական ճանապարհորդ Դե Բրուինի վկայության, հաշվվում էր ռուս
40 ընտանիք¹, այսինքն, 160—200 մարդ՝ յուրաքանչյուր ընտանիքը ըն-
դունելով միջին հաշվով 4—5 մարդուց: Դե Բրուինի ցուցմունքները ան-

¹ Տե՛ս՝ «Астраханский сборник», выпуск 1, Астрахань, 1896, стр. 186.

ուղղակի կերպով հաստատվում են այլ աղբյուրներով: Այսպես, հայտնի է, որ 1706 թ. Աստրախանի հայերին է պատկանել 30 տուն¹,

Հայերի նախկինում սկսված գաղթը Ռուսաստան 18-րդ դարում ավելի մեծ թափ ստացավ², Հայ բնակչության նոր հոսանքը Ռուսաստան, առաջ բերեց Աստրախանի հայկական գաղութի ազդարնակչության քանակի զգալի ավելացում: Այսպես, կես հարյուրամյակից էլ պակաս ժամանակաշրջանում Աստրախանի հայ բնակչությունն աճեց համարյա 8 անգամ և 18-րդ դարի կեսին մեկ և կես հազար մարդուց ավելի էր³,

Հայ գաղթականների հոսանքը դեպի Ռուսաստան պայմանավորված է մի շարք պատճառներով:

18-րդ դարի առաջին կեսին, պարսիկ և թուրք ֆեոդալների իշխանության տակ գտնվող հայ ժողովրդի վիճակը խիստ վատացել էր և դարձել իսկապես ողբերգական: 20-ական թվականներին, հայերը, վրաց ու ադըրբեջանական ժողովուրդների հետ դաշնակցած, զինված պայքար են սկսում օտարերկրյա լծի դեմ: Այս պայքարը, սակայն, նրանց ազատագրում չբերեց: Թուրքական և պարսկական ֆեոդալները, ճնշելով Անդրկովկասի ժողովուրդների ազգային-ազատագրական շարժումը, նրանց ենթարկեցին առավել դաժան ազգային ճնշման, լիտի կողոպուտի և բռնության:

Սրա հետևանքով հայերը ստիպված էին զանգվածներով թողնել հարազատ վայրերը և ապաստան փնտրել այլ երկրներում, նախ և առաջ Ռուսաստանում:

Դեպի Ռուսաստան հայերի կատարած գաղթի մեջ էական դեր էր խաղում 18-րդ դարում ռուսական կառավարության վարած հովանավորական քաղաքականությունը՝ արևելյիների՝ ինչպես առևտրական նպատակներով ժամանակավորապես եկածների, այնպես էլ, հատկապես երկրի տարրեր քաղաքներում ընդմիշտ բնակություն հաստատածների նկատմամբ:

Արևելյան երկրների «օտարերկրացի մարդկանց» հովանավորությունը կազմում էր գործողության այն ընդարձակ ծրագրի կարևոր կետերից մեկը, որը կառավարությունը անշեղորեն իրականացնում էր՝ նպատակ ունենալով զարգացնել ռուս-արևելյան առևտրական և քաղաքական կապերը և ամրապնդել Ռուսաստանի դիրքերը Արևելքում:

Կառավարությունը շատ լավ գիտեր, որ նշանակալի քանակով առևտրականների և արհեստավորների հաստատվելը Ռուսաստանում և, մասնավորապես, այնպիսի խոշոր առևտրական կենտրոնում, ինչպիսին Աստրախանն էր, դրական ազդեցություն կունենար Անդրկովկասի, Պարսկաստանի, Միջին Ասիայի և Հնդկաստանի հետ ապրանքափոխանակության վրա և կնպաստեր Աստրախանի տնտեսական զարգացմանը:

Կառավարության առավել մեծ ուշադրությունը վայելում էին հայ և հնդիկ առևտրականները, որովհետև նրանք տեղ էին նշանակալի դումարների, Արևելքի երկրներում ունեին առևտրական ընդարձակ կապեր և «հանձնակատարներին», այսինքն՝ գործակալներին ու ընկերակիցներին մի ամբողջ

¹ Государственный архив Астраханской области (ГААО), ф. 394, оп. 1, д. 2403, л. 1.

² П. Т. Арутюнян, Освободительное движение армянского народа в первой четверти XVIII века, Москва, 1954, стр. 185—188.

³ ГААО, ф. 394, оп. 1, д. 1284, л. 251.

ռանց: Նրանք հրաշալի ծանոթ էին արևելյան շուկաների իրադրությունը: Նրանցից շատերը բազմաթիվ ուղևորությունների ընթացքում ուսումնասիրել էին այն երկրների սովորույթները և անգամ լեզուները, որտեղ առևտուր էին անում: Ինչ վերաբերում է հայ առևտրականներին, ապա նրանք սերտորեն կապված լինելով Ջուղայի առևտրական ընկերության հետ, որը մեծ դեր էր խաղում արևելա-եվրոպական առևտրի մեջ, դրանով իսկ կարող էին նպաստել Ռուսաստանի վրայով տարանցիկ առևտրի աճին և արևելա-եվրոպական առևտրում Ռուսաստանի միջնորդող դերի ուժեղացմանը, որին անշեղորեն ձգտում էր ռուսական կառավարությունը ինչպես 17-րդ, այնպես էլ, հատկապես 18-րդ դարում:

Կառավարության ձգտումը՝ Ռուսաստան հրապուրել որքան կարելի է շատ արևելյի առևտրականների, ավելի հասկանալի կդառնա, եթե հաշվի առնենք, որ 18-րդ դարի առաջին կեսում ռուս վաճառականությունը փոքր դեր էր խաղում Ռուսաստանի վրայով կատարվող ռուս-արևելյան և, առանձնապես, արևելա-եվրոպական տարանցիկ առևտրի մեջ¹:

Չնայած մետաքսագործության ասպարեզում 18-րդ դարի կեսերին Ռուսաստանի ձեռք բերած հաջողություններին, նա դեռ հեռու էր ներքին շուկայի պահանջները բավարարելուց: Իսկ բամբակյա գործվածքների արտադրությունը դեռևս նոր էր ստեղծվում: Այդ պատճառով Ռուսաստանը ստիպված էր մեծ քանակությամբ բամբակյա և մետաքսյա գործվածքներ ու նրանցից պատրաստված ապրանքեղեն գնել եվրոպական և արևելյան երկրներում: Բայց սա չէր համապատասխանում մերկանտիլիզմի սկզբունքներին, որոնց հետևում էր կառավարությունը իր տնտեսական քաղաքականություն մեջ: Բնական է, որ կառավարությունը շահագրգռված էր հայ արհեստավորների գաղթով, որոնք լավ ծանոթ էին մետաքսյա և բամբակյա գործվածքների պատրաստմանն ու ներկելուն:

Բացի այդ, գանձարանը մտադիր էր հայ վաճառականներին մասնակից դարձնել երկրում մետաքսի մանուֆակտուրաների կառուցմանը:

Հենց այդ պատճառով էլ կառավարությունը զանազան բնույթի արտոնություններ էր տալիս արևելյան երկրներից եկած մարդկանց, գրվախավորապես առևտրականներին, չնայած այն բանին, որ այդ արտոնությունները որոշ չափով խփում էին ռուս վաճառականության շահերին և առաջ էին բերում վերջինիս բուռն բողոքը:

Արևելյան երկրներից եկած և Աստրախանում հաստատվածների նկատմամբ կառավարության հովանավորական քաղաքականությունը 18-րդ դ. երկրորդ կեսին իր արտահայտությունն է գտել Աստրախանի նահանգապետ Վոլինսկուն ուղարկած հրահանգի և Սենատի շատ այլ հրամանագրերի մեջ²:

Աստրախանում բնակություն հաստատած և ռուսական հպատակություն ընդունած արևելյան երկրներից եկածներին տրվում է առևտրական-արդյունաբերական գործունեության լրիվ ազատություն: Նրանք վայելում էին հավատի և կրոնական ծիսակատարությունների ազատություն: Նրանց արգելված էր պոսագում բնակեցնել և որևէ ծառայության հանել: Տե-

¹ А. Юхт, Восточная торговля России в 30—40-х годах XVIII в. и роль в ней армянских купцов, «Известия Академии наук Армянской ССР», 1956, № 8, стр. 57, 60—61.

² ПСЗ, т. VI, № 3622, т. VII, № 4304; т. XII, № 8919, 9311.

դական իշխանության ներկայացուցիչները նրանց նկատմամբ պարտավոր էին լինել «սիրալիր և բարյացակամ... և հոգ տանել, որ ոչ ոքից նրանց ոչ մի վնաս հասնի»¹:

Աստրախանում եղած գաղութների ազգաբնակչությունը օգտվում էր «իր օրենքներով դատարանի» իրավունքից²:

Սենատի 1746 թ. սեպտեմբերի 17-ի հրամանագրով հայկական գաղութում ստեղծվում է ռատհուզ — ընտրովի օրգան, որը վարում էր դատարանը, հսկում հարկերի բաժանմանն ու հավաքմանը և աստրախանյան հայերի պարտավորությունների կատարմանը: Ռատհուզը սկսում է գործել 1747 թ. հունվարի 1-ից³:

Աստրախանում բնակված հայերի նկատմամբ կառավարության հովանավորական քաղաքականության մասին է վկայում և այսպիսի մի փաստ. 1706 թ. հայ վաճառական Բոգդան Կոնստանտինովը ե իր ընկերները աստրախանյան հայերի կողմից Մոսկվայում Պետրոս Ա-ի անունով տալիս են խնդրագիր, որ գրում են, թե «Աստրախանում հնուց կառուցված է հայկական փայտաշեն եկեղեցի և այդ եկեղեցին այժմ միանգամայն խարխուլ է, իսկ Աստրախանում հայ բնակիչները նախկինի համեմատ բազմապատկվել են»: Հայերը խնդրում էին թույլտվություն՝ քարե եկեղեցի կառուցելու համար:

Պետրոս Ա-ր բավարարում է նրանց խնդրանքը և խնդրագրի տալու հաջորդ օրը՝ հուլիսի 9-ին աստրախանյան վոյեվոդ Պովանսկուն ուղարկում հրամանագիր, որով կարգադրում է, որպեսզի «այդ եկեղեցու շինարարության մեջ (հայերին) ոչ մի արգելք չհարուցվի»:

Շուտով հայերը իրենց հաշվին կառուցում են քարաշեն մայր եկեղեցի⁴: Նույն դարի 30-ական թվականներին նրանք Աստրախանում կառուցում են ևս մեկ եկեղեցի⁵:

Կառավարությունը հայերին և մյուս արևելյիներին արտոնություններ տալով, հույս ուներ, որ այդ մասին հայտնի կդառնա արևելյան երկրներում և դեպի Ռուսաստան գաղթողների ավելի մեծ հոսանք կառաջանա: Այսպես, Սենատի 1723 թ. հրամանագրում ուղղակի ասվում է, թե Աստրախանում հաստատված օտարերկրացիներին տրված արտոնությունները պետք է «մյուս օտարերկրացիների մեջ էլ Աստրախան ժամանելու ցանկություն առաջացնեն»⁶:

Սկզբնաղբյուրները վկայում են այն մասին, որ հայ գաղթականների նկատմամբ ռուսական կառավարության հովանավորողական քաղաքականությունը Անդրկովկասի, Պարսկաստանի և թուրքական կայսրության հայ

¹ ПСЗ, т. VI, № 3622, пункт 53.

² ПСЗ, т. XII, № 8919.

³ ПСЗ, т. XII, № 9311; ГААО, ф. 394, оп. 1, д. 1357, л. 95.

⁴ Центральный Государственный Архив древних актов (ЦГАДА), фонд «Сношения России с Арменией» (100), 1706 г., д. 1, лл. 34—35 об.; И. Саввинский, Армяне в астраханской епархии. Астрахань, 1900, стр. 7.

⁵ ГААО, ф. 394, оп. 1, д. 618, лл. 55—56. Աստրախանում առաջին հայկական եկեղեցին կառուցվել է 1640 թ. (В. Восканян, Армяно-русские экономические отношения в XVII веке, рукопись кандидатской диссертации, Ереван, 1948, стр. 69).

⁶ ПСЗ, т. VII, № 4304.

բնակչության մեջ բավական լայն հռչակ էր ստացել: Դրա շնորհիվ հայերի Ռուսաստան գաղթելու ձգտումը մեծանում է: Այս տեսակետից շատ ուշագրավ է աստրախանյան հայեր Սքանդար Աղարեկովի, Մ. Բաղդասարովի ու նրանց ընկերների ցուցումը:

1745 թ. սեպտեմբերին նրանք գրել են.

«Մեր մարդիկ... վաճառականները, այլև արհեստավորները, ինչպես և մենք՝ վերոհիշյալներս նախկինում ռուսական կայսրության եկած օտարերկրացիներից լսելով... մեզ ուղղված բարեհաճ հրավերներ, և առևտրում ու արհեստներում ազատություն տալու խոստումներ, թողնելով մեր երկրներում մեր դործերը, տները, գործարանները և ամենակարևորը՝ մեր հայրենիքը, Պարսկաստանից, թուրքական մարզից և այնտեղի այլ հեռավոր տեղերից տարբեր ժամանակներում, վաճառականների հետ, մեր այդ առևտրի ու արհեստների համար եկանք Աստրախան: Եվ (այստեղ) տեսնելով մեր առևտրի և արհեստների համար ազատություն...» ընդմիջտ մնացինք Ռուսաստանում¹:

Այս վաստաթղթից և Աստրախանի հայ գաղութի բնակչության թվի մասին վերը բերված տվյալներից հետևում է, որ դեպի Ռուսաստան «օտարերկրացիների» գաղթի մասին ռուսական կառավարության ունեցած հույսերը միանգամայն արդարացան:

Պարսկական արշավանքի հետևանքով Կասպից ծովի վրա Ռուսաստանի դիրքերի ամրապնդումը և 18-րդ դարի երկրորդ քառորդում Անդրկովկասի ու Պարսկաստանի հետ արտաքին առևտրական շրջանառության կապերի սփռումը ևս նպաստում էին հայերի գաղթին դեպի Աստրախան և ռուսական մյուս քաղաքները:

Ռուսաստանում բնակություն հաստատած այն հայերը, որոնք ցանկանում էին ընդունել ռուսական հպատակություն, ցարի անունով խնդրագիր էին ներկայացնում: Այդ խնդրագրերը արժեքավոր աղբյուր են հանդիսանում հայերի Ռուսաստան գաղթելու պատճառների ուսումնասիրման համար: Միաժամանակ, նրանցում կան նաև այլ կարևոր տեղեկություններ, որոնք հնարավորություն են տալիս պարզելու խնդրագրողի սոցիալական դրությունը, կամ զբաղմունքը, «գրամագլխի» չափը, ծննդավայրը, Աստրախանում բնակություն հաստատելու ժամանակը:

Ահա դրանցից մի քանիսը:

Հայ Աղամալ Նազարովը 1753 թ. օգոստոսի 5-ի իր խնդրագրում գրել է. «...Ես, վերոհիշյալս, Նախիջևանից եմ և եկել եմ Աստրախան 1744 թ. և այդ ժամանակից ապրում եմ այստեղ և նկատեցի, որ Համառուսաստանյան ՆԿՄ Կայսրության մեջ արտասահմանյան մարդկանց վաճառականության և այլում (այլ զբաղմունքներում) ազատություն և ճշմաններից պաշտպանություն և արդարադատություն է տրվում: Եվ գրա համար ես ցանկություն ունեմ լինել Համառուսաստանյան ՆԿՄ հպատակ և ապրել Աստրախանում՝ իմ տանը և գրվել այստեղ Աստրախանյան քաղաքներում...»:

Նազարովը նշում է, որ ունի «80 ռուբլու գրամագլուխ» և պարտա-

¹ ЦГАДА, ф. 248, кн. 39/943, л. 120 об.

վորվում է կատարել բոլոր պարտավորությունները աստրախանյան մյուս հայերի հետ միասին¹։

Ոչ պակաս տիպիկ է խոշոր հայ վաճառական Մատվեյ Մխիթարյանի վկայությունը, որը առևտրական գործերով Ռուսաստան էր եկել Վերաբական երկրի Հաղեպ քաղաքից²։ Մի քանի տարի լինելով Ռուսաստանում (Աստրախանում, Մոսկվայում, Պետերբուրգում) նա համոզվում է, որ այնտեղ ապրողներին ամենալուրջ վիրավորանք անգամ (ինչպես այդ լինում էր թուրքական և ասիական մյուս երկրներում) չի հասցվում, այլ ամեն բանում արդարություն է, թույլատրվում է ազատ առևտուր։ Այդ գործում մեծ առավելություններ են տրվում նրանց, ովքեր օտարերկրացիներ են և իրենց կամքով ռուսական հպատակություն են ընդունել։

Մատվեյ Մխիթարյանը ոչ միայն ինքը ռուսական հպատակություն է ընդունում ու հաստատում Աստրախանում, այլև Հաղեպից կանչում է իր հարազատ եղբորը՝ ավելի խոշոր վաճառական Շուքրի Մխիթարյանին³։

Ռուսաստանում, մասնավորապես Աստրախանում, իրենց հաստատվելու նույնանման պատճառների մասին են հայտնում նաև տասնյակ այլ հայեր⁴։

Այսպիսով, հայերի այն համոզմունքը, թե Ռուսաստանում իրենք կունենան անձի և դույքի ապահովություն նրանց, Ռուսաստան գաղթելու և ռուսական հպատակություն ընդունելու հիմնական պատճառներից մեկն էր։ Անձնական փորձով նրանք համոզվում էին, որ Ռուսաստանում կան բարենպաստ պայմաններ առևտրական և արդյունաբերական գործունեության համար, որ այստեղ նրանք կկարողանան պահպանել իրենց լեզուն, հավատքը, սովորույթները։

18-րդ դարի առաջին քառորդում Աստրախանի հայ բնակչության շարժման ուսումնասիրության հիմնական աղբյուրն են հանդիսանում աստրախանյան հայերի ստուգման ցուցմունքները (ревизские сказки)⁵։

Ցուցմունք ներկայացնողը իր մասին մեծ մասամբ հաղորդում էր հետևյալը. ազգանունը, անունը, տարիքը, ծննդավայրը, Աստրախանում բնակություն հաստատելու ժամանակը, զբաղմունքը, գրամագիլի չափերը, եթե այդպիսին կար, ընտանիքի արական սեռի անդամների թիվը, արդյոք տնատեր է, թե ոչ։ Պետք է նշել, որ ցուցմունքի ներկայացողները միշտ չէ, որ այդպիսի մանրամասն տեղեկություններ էին հաղորդում։ Նրանցից ոմանք չէին նշում, օրինակ, զբաղմունքը, Աստրախանում բնակություն հաստատելու ժամանակը և այլն։

Երբեմն, ցուցմունք տվողը նշում էր, որ իր «բակում» (տանը) կամ իրեն կից ապրում է հայ և հաղորդում էր նրա միայն ազգանունը։

Ցուցմունքներում ազգականների մասին, սովորաբար, տեղեկություններ չեն տրվում։ Ստուգման ցուցմունքների այս առանձնահատկությունները դիտարկելիս նրանց աղբյուրագիտական արժեքը և գծվարացնում օգտագործումը Բայց քանի որ մենք չունենք այլ աղբյուրներ, ապա ստիպ-

¹ ГААО, ф. 394, оп. 1, доп. д. 111, 1—2.

² ЦГАДА, ф. «Канцелярия Правительствующего Сената» (248), книга 27/931, лл. 381—382.

³ ГААО, ф. 394, оп. 1, дд. 1248, 1634, 1857, 1926.

⁴ ЦГАДА, ф. «Ландратских книг и ревизских сказок» (350), 1724, д. 147.

ված ենք սահմանափակվել նրանց տվյալներով, չնայած, որ դրանց հիման վրա կարելի է կազմել 18-րդ դարի 1-ին քառորդի ընթացքում Աստրախանի հայ բնակչության շարժման միայն մոտավոր պատկերը:

Առաջին ստուգման տվյալների համաձայն Աստրախանի հայկական գաղութում կար 336 հոգի արական սեռի: Սրանցից 176 հոգին, որպես ընտանիքի ղեկավարներ, ներկայացրել են ստուգման ցուցմունքներ¹: Ձեռքի տակ մենք ունենք 121 ցուցմունք², այսինքն՝ ընդհանուր թվի մոտ 70%-ը:

Ցուցմունքների քննությունը ցույց է տալիս, որ 121 մարդուց 71-ը հաստատվել են Աստրախանում 18-րդ դարի առաջին քառորդում (1700—1723), 27-ը ծնվել են այստեղ 17-րդ դարի վերջին քառորդում, կամ 18-րդ դարի սկզբին, 7 հոգի Աստրախան են եկել այս նույն ժամանակ: 16 ցուցմունքներում բնակություն հաստատելու ժամանակի մասին տեղեկություններ չկան: 18-րդ դարի 1-ին քառորդին Աստրախանում հաստատված հայերից 24-ը հաստատվել են (1700—1710) 34-ը՝ 1711—1720 թթ. և 13-ը՝ 1721—1723 թթ.:

Բերված տվյալները վկայում են այն մասին, որ Աստրախանի հայ բնակչության թիվը 18-րդ դարի առաջին քառորդի ընթացքում ավելացել է, գլխավորապես, նոր վերաբնակիչների հաշվին:

Աստրախանում հաստատված այն հայերը, որոնք միջոցներ ունեին, ձգտում էին սեփական տներ ձեռք բերել: Այսպես, 1708 թ. հայերը գնել և կառուցել են 8, իսկ 1710 թ.—10 տուն³:

Հայերը Աստրախանում բնակվում էին կոմպակտ: 1705—1706 թթ. աստրախանյան ապստամբություն ճնշումից հետո ստրելեցյան բոլոր գնդերը Աստրախանից դուրս բերվեցին, իսկ նրանց ընտանիքները արտաքսվեցին⁴: Հայերը գնեցին ստրելեցիներին պատկանած տների մի մասը, և նախկին ստրելեցյան թաղամասի տեղում, 18-րդ դարի առաջին քառորդում, ստեղծվեց հայկական թաղամասը, որը ստացավ «նոր» անունը, ի տարբերություն հին թաղամասի, որը գտնվում էր քաղաքի այլ մասում:

18-րդ դարի երկրորդ քառորդում Աստրախանի բնակիչների (արական սեռի) տարրեր խավերի քանակը և նրանց պատկանած տների թիվը տրված է № 1 աղյուսակում⁵:

Բերված տվյալները վկայում են այն մասին, որ Աստրախանի հայկական գաղութը 18-րդ դարի կեսում սամենախոշորն էր արևելյան երկրներից գաղթածներով բնակեցված մյուս թաղամասերի մեջ:

Արդ, Աստրախանի բնակչության ո՞ր տոկոսն էին կազմում հայերը: Դժվար է այս հարցին ճիշտ պատասխան տալ, որովհետև հաշվել Աստրախանի մշտական բնակչության քանակը 18-րդ դարի կեսերին, ըստ եղած աղբյուրների, ննարավոր չէ: Որոշ պատկերացում այդ հարցի վերաբերյալ

¹ ГААО, ф. 394, оп. 1, д. 142, лл. 130 и об.

² Ընդամենը պահպանվել են 125 ցուցմունքներ, որոնցից չորսը այրիններն են տվել (ЦГАДА, ф. 350, 1724 г., д. 147).

³ ЦГАДА, ф. «Астраханская приказная палата» (1104), дд. 4, 5, 6.

⁴ М. Д. Рабинович, Стрельцы в первой четверти XVIII в., «Исторические записки», т. 58, 1957, стр. 293—296.

⁵ ГААО, ф. 394, оп. 1, д. 142, лл. 130 и об.; д. 1248, л. 65 об.; д. 1278, л. 100; д. 1284, л. 62, д. 1297, л. 90; ф. 394, оп. 1, доп. д. 76, лл. 30—75; 160—203 об., 209 об.

Թվականներ	Աղյուսակ													
	Պոստդ		Հայկա- կան թա- ղամաս		Բուխա- րական թաղամաս		Գիլանա- կան թա- ղամաս		Աղբիթա- նական թաղա- մաս ¹		Հնդկա- կան դա- ղութ		Կազանի թաղա- մաս ²	
1724 ³	1456	—	336	106	—	—	—	—	—	—	101	—	165	—
1747	1891	—	776 ⁴	268	469	139	178	38	109	21	76	—	237	82

կարող են տալ Աստրախանի տների ընդհանուր քանակի և հայերին պատկանած տների քանակի մասին եղած տվյալները: 18-րդ դարի 40-ական թվականներին Աստրախանում եղել է մոտ 2400 տուն⁵, որոնցից հայերին էին պատկանում 268-ը, կամ 11,1⁰/₀-ը: Նույնիսկ այս հարաբերական տվյալներից, իսկ գլխավորապես № 1 աղյուսակի տվյալներից, ակներև է, որ Աստրախանի բնակիչների մեջ հայ բնակչության տեսակարար կշիռը բավական բարձր է եղել:

Ինչպես ցույց են տալիս № 1 աղյուսակի տվյալները, 18-րդ դարի երկրորդ քառորդում Աստրախանի հայկական գաղութի բնակչությունը ավելացել էր ավելի քան երկու անգամ: Դժբախտաբար, աղբյուրներում չկան տեղեկություններ առաջին ստուգման ժամանակ բուխարական, գիլանական և աղբիթանական թաղամասերի բնակչության թվի մասին, քանի որ նրանց բնակիչները շնչահարկ չէին տալիս և այդ պատճառով էլ մարդահամարի չէին ենթարկված:

Սակայն, քիչ ավելի ուշ շրջանին վերաբերող տվյալները թույլ են տալիս պնդելու, որ 18-րդ դարի երկրորդ քառորդում այդ թաղամասերի բնակչությունը նույնպես ավելացել էր, թեև ոչ այն չափով, ինչ հայկականը²:

Դժվար չէ նկատել նաև, որ առաջին և երկրորդ ստուգումների միջև եղած ժամանակաշրջանում արևելյան եկվորներից կազմված թաղամասերի բնակչությունն աճել էր նշանակալիորեն ավելի արագ, քան աստրախանյան պոստդի և Կազանի թաղամասի բնակչությունը:

¹ Աղբիթանական թաղամասը ստեղծվել է 17-րդ դ. վերջին քառորդում ռուսական հպատակություն ընդունած հնդիկներից և հնդիկների ու աստրախանյան թաթարուհիների սերնդից: «Աղբիթան» տերմինը Ֆ. Շպերկի բացատրությամբ նշանակում է «անչափահաս» կամ «երիտասարդ», այսինքն՝ նոր բնակիչ (տե՛ս Փ. Шперк, Индусы в Астрахани... «Астраханский листок», 1898 г., № 52):

² Հետազայում, Աղբիթանական թաղամասում ապրում էին Արևելքի դանազան երկրներից եկած գաղթականներ (Փ. 394, օպ. 1, ձ. 1023):

³ Կազանի թաղամասը ստեղծվել էր 18-րդ դարի առաջին քառորդում՝ Կազանից տեղափոխված թաթարներից:

⁴ Տվյալներ երեք արվարձանների բնակչության, ինչպես նաև նրանց ու արվարձանի բնակիչների տների քանակի մասին 1724 թվականի վերաբերյալ, մենք չունենք:

⁵ Հայկական գաղութում մշտական բնակիչներ 1747 թվականին հաշվվում էր 1512 մարդ՝ արական և իգական սեռի: Բացի նրանցից, ժամանակավորապես Աստրախանում էին ապրում որոշ քանակությամբ հայեր, գլխավորապես առևտրականներ, նրանց ծառաներն ու զործակատարները (Փ. 394, օպ. 1, ձ. 1281, լ. 251):

⁶ ГААО, փ. 394, օպ. 1, ձ. 1024, լլ. 3 օ6.—24 օ6.

⁷ ГААО, փ. 394, օպ. 1, ձ. 1004, լլ. 119—124.

Եվ, իհարկե, խոսքն այստեղ այն մասին չէ, թե նշված թաղամասերում բնակչության ընդհանուր աճն ավելի է եղել, քան պոսադի բնակչությանը, այլ այն մասին, որ այդ շրջանում նկատվում է արևելյան երկրներից գաղթածների ուժեղ հոսանք դեպի Աստրախան:

Նման եղրակացությունը հիմնված է երկրորդ ստուգման տվյալների վերլուծության վրա, որոնք արտացոլում են Աստրախանի հայ բնակչության կյանքում 18-րդ դարի երկրորդ քառորդի ընթացքում կատարված փոփոխությունները:

Քննենք այդ, անտարակույս հետաքրքրություն ներկայացնող, փոփոխությունները:

Առաջին և երկրորդ մարդահամարների միջև ընկած ժամանակաշրջանում Աստրախանի հայկական գաղութում եղել են 171 և չտարբեր առիթներով՝ հեռացել 39, ընդամենը 210 հոգի՝ արական սեռի: Նույն այդ ժամանակաշրջանում թաղամասի բնակչությունը ընդհանուր առմամբ հետևանքով մեծացել էր 170 հոգով (արական սեռ)¹: Հետևապես, եթե դրսից դեպի գաղութ հոսանք չլիներ, ապա նրա բնակիչների քանակը 1744 թ. այսինքն՝ «Աստրախանի նահանգի գլխավոր ստուգման գրասենյակ»-ին տեղեկություններ տալու մոմենտին, կլիներ ավելի քիչ, քան 1724 թ.: Ուշագրավ է հայ բնակչության մեծ մահացությունը, 20 տարվա ընթացքում թաղամասում մեռել է նրա բնակիչների կեսը: Մական, այդ տեսակետից հայկական գաղութը ամենևին բացառություն չէր կազմում, ընդհանրապես Աստրախանում բնակչության մահացության տոկոսը բարձր է եղել: Կեղտոտ, անբարեկարգ քաղաքում, ինչպիսին էր Աստրախանը 18-րդ դարում, հաճախ բռնկվում էին վարակիչ հիվանդություններ, որոնք գերեզման էին տանում հարյուրավոր բնակիչների: Շատ մարդիկ կործանվեցին 1727—1728 թթ., երբ քաղաքում մոլեգնում էր Պարսկաստանից բերված ժանտախտը: Այդ սարսափելի տարիներին քաղաքը զրկվեց իր բնակիչների համարյա կեսից²:

Աղբյուրները թույլ են տալիս քննել և այն մարդկանց լախտը, որոնց մասին Աստրախանի հայկական գաղութի բնակիչների ցուցմունքներում ասվում է, թե՝ նրանք հեռացել են չտարբեր պատճառներով: Նրանցից ոմանք գրվել են «Սերբիայան» գրադունյան գնդում (6 մարդ), ուրիշները մեկնել են Աստրախանից և բնակություն հաստատել Ռուսաստանի տարբեր քաղաքներում, ոմանք էլ ընդունել են հունական հավատի դավանությունը՝ և գրվել ապրելու պոսադում: Մնացածների մասին, որոնք մեծամասնություն էին կազմում, ասված է, թե նրանք գտնվելով Աստրախանից հեռու թոփից անդին, Բուխարայում, Ուիվայում և այլ վայրերում, «կորել են անհետ»³:

Հայկական գաղութի բնակիչների ցուցմունքները հնարավորություն են տալիս պարզելու, թե երկու մարդահամարների միջև ընկած ժամանակաշրջանի որ տասնամյակներում, որ երկրներից ու վայրերից է եղել հայերի ամենից ավելի ուժեղ հոսանքը Աստրախան, ինչպես նաև նրանց սոցիալական կազմը:

¹ ГАО, ф. 394, оп. 1, доп. л. 76, лл. 30—73.

² ГАО, ф. 394, оп. 1, л. 152, л. 238.

³ ГАО, ф. 394, оп. 1, доп. л. 76, лл. 42—43.

1723—1729 թթ. Աստրախանում հաստատվել են արական սեռի 28 մարդ, 1730—1739 թթ. — 118 և 1740—1747 թթ. — 112: (Այս տվյալները վերաբերում են ընտանիքների ավագներին, իսկ ընդհանուր առմամբ, ինչպես արդեն նշվեց, 1724—1747 թթ. ընթացքում հայկական գաղութի մըշտական բնակիչների թիվը աճել է 480 շնչով՝ արական սեռի):

Այսպիսով, հայերի ամենամեծ հոսանքը Աստրախան նկատվում է 18-րդ դարի 30—40-ական թվականներին, իսկ 20-ական թվականներին այն մեծ չէր:

Աստրախանում նոր հաստատված հայերը դուրս էին եկել Ադրբեջանի, Հայաստանի, Վրաստանի, Պարսկաստանի, Թուրքիայի և Ղրիմի ավելի քան 40 տարբեր քաղաքներից: Նրանց մեջ գերակշռում էին եկվորները Անդըր-կովկասի քաղաքներից՝ Շամախից (40 շունչ, արական սեռի), Փառակից և Ագուլիսից (30), Գանձակից (18), Երևանից (15): Պարսկաստանի քաղաքներից եկվորների ամենամեծ թիվն ընկնում էր Սպահանի և Ջուղայի (24), Արդարիլի (11), Թավրիզի (8), Ղազվինի (7) վրա և այլն: Հանդիպում ենք նաև Կ. Պոլսի, Խոքաթի, Հալեպի բնակիչներին¹:

Այսպիսով, Աստրախանում հաստատված հայերը եկվորներ են Մերձավոր և Միջին Արևելքի զանազան քաղաքներից, ըստ որում, նրանց մեծ մասը եկել էր Անդրկովկասից: Հայերի տերիտորիալ ծագման մասին եղած տվյալները վկայում են նաև, որ նրանց մեջ գերակշռում էին խոշոր առևտրա-արհեստագործական կենտրոններ հանդիսացող քաղաքների բնակիչները:

Առաջին մարդահամարից հետո Աստրախանում բնակություն հաստատեցին նաև մոտ 15—20 հայ ընտանիք՝ Ջերկասից, Ղզլարից և Սարատովից:

Հայ ժողովրդի ազգային-ազատագրական շարժման որոշ մասնակիցներ ու ղեկավարներ ևս շարժման ճնշումից հետո տեղափոխվեցին Ռուսաստան (Աստրախան, Ղզլար և այլ քաղաքներ): օրինակ, Աստրախանում հաստատվեց Ղարաբաղի սղնախների կայուն և խիզախ ղեկավարներից մեկը՝ Ավան Յուղրաշին, որը Ռուսաստան մեկնեց 1728 թ. իր գինակիցների մի մեծ խմբի ուղեկցությամբ: Յուղրաշիներից շատերը ծառայության էին ընդունվել «հայկական շեվադրոնում» (էսկադրոն) և ոռճիկ էին ստանում: Աստրախանի նահանգական գրասենյակի 18-րդ դ. 30-ական թվականների վճիռներում կան շատ գրանցումներ նրանց ոռճիկ տալու մասին: Այսպես, օրինակ, 1837 թ. հունվարի 21-ին գրասենյակը, համաձայն Սենատի և Ռազմական կոլեգիայի հրամանագրերի, կարգադրում է «Հայկական համայնքից եկած, ՆկՄ ծառայության բնդունված յուղրաշիներ Բաղիր և Գրիգոր Ստեփանովներին նոր կողմած աղյուսակով վճարել դրույքային աշխատավարձը անցյալ՝ 1736 թ. համար, և տալ Բաղիրին ոռճիկ՝ 120, պարգևատրում՝ 50, ընդամենը 170 ոռլրի, Գրիգոր Ստեփանովին՝ ոռճիկ 30, պարգևատրում՝ 10, ընդամենը 40 ոռլրի»²:

Ավան-Յուղրաշու մահից հետո 1735 թ. կառավարությունը կարգա-

¹ ГААО, ф. 394, оп. 1, доп. д. 76, лл. 54—67, 70—75, 175—196 об.; 201 об.—203, 209 об.

² П. Т. Арутюнян, Освободительное движение армянского народа в первой четверти XVIII века, стр. 238.

³ ГААО, ф. 394, оп. 1, 1737 г., д. 617, л. 30 об.

դրում է նախկինի նման վճարել նրա ոռճիկը ընտանիքին (կնոջը և որդուն)¹. Աստրախանում հաստատված հայերի սոցիալական կազմը առաջին մարդահամարից հետո բնորոշվում է հետևյալ տվյալներով²:

Աղյուսակ 2

Նրանցից											
Ընդամենը մարդիկ	Առևարականներ		Արհեստավորներ		Վարձու բանվորներ		Ծառաներ		Գործակատարներ		Այլք
	քան.	0/0	քան.	0/0	քան.	0/0	քան.	0/0	քան.	0/0	քան. 0/0
258 ³	75	29	101	39,1	43	16,6	19	7,3	14	5.4	6 2,3

Այսպիսով, Աստրախանում նոր հաստատված հայ արական սեռի ազդարնակչության մեջ ամենից ավելի նշանակալից սոցիալական խմբերն էին արհեստավորները, վաճառականները և վարձու բանվորները:

Աղյուսակի տվյալները վկայում են նաև, որ մանր արտադրողները և արտադրության միջոցներից զուրկ մարդիկ կազմում էին Աստրախան եկած հայերի ընդհանուր թվի 3/4-ը:

Հետևաբար, 18-րդ դարի երկրորդ քառորդում հայկական գաղութը համալրվել է գլխավորապես աշխատավոր խավերով, մի բան, որն իր հերթին պետք է անդրադառնար գաղութի ողջ բնակչության սոցիալական կազմի վրա:

Աստրախանի հայկական գաղութը ներհոսած բնակչության սոցիալական կազմի մասին արված ընդհանուր տվյալներից անցնենք առանձին սոցիալական խմբերի, գլխավորապես արհեստավորների և առևտրականների վերլուծությանը: Այսպիսի վերլուծությունը թույլ կտա ցույց տալու՝ նախ, որ վերոհիշյալ խմբերից և ոչ մեկը միասնական չէր և նրանց ներկայացուցիչների միջև կային էական տարբերություններ, երկրորդ, այդ խմբերի գերը հայկական գաղութի բնակչության արհեստագործական և առևտրական գործունեության մեջ:

Առևտրականների մեջ կային խոշոր վաճառականներ, որոնք ունեին մի քանի հազար ոտբրու ռեմիական դրամագլուխ⁴ և մանր վաճառականներ, որոնց «դրամագլուխը» կազմում էր 20—30 ոտբրի: Մանր առևտրականների մեջ հանդիպում են և այնպիսիք, որոնց մասին ցուցմունքում ասվում է՝ թե ռաուտուր են անում փոքր քանակի զանազան ապրանքներով, որոնք վերցնում են պարտքով՝ միայն իրենց կերակրման համար⁵:

Աստրախանում հաստատված և ուսական հպատակություն ընդունած խոշոր հայ վաճառականների մեջ 18-րդ դարի 30—40-ական թվականներին ամենից ավելի աչքի ընկնող դեմքերից էին եղբայրներ Թաթոս և Շուքրի Միսայլովները, Սերգեյ Իվանովը, Կալուստ Բունիաթովը, Դավիթ Գրիգորևը, եղբայրներ Առաքել և Մարտիրոս Իվանովները, Պաշտուր Մելքումովը: Հայկական ոստնաուզի տվյալներով այս բոլոր վաճառականների

¹ ГААО, ф. 394, оп. 1, 1737 г., д. 618, л. 128.
² ГААО, ф. 394, оп. 1, доп. д. 76, лл. 175—196 об., 201 об., 203, 209 об.
³ Արական սեռի մյուս 222 անձը կազմում էին երեխաները և ազդականները:
⁴ ГААО, ф. 394, оп. 1, доп. д. 76, л. 268 об.

գրամագլուխը 1747 թ. հավասար էր 37 հազ. ոտերու, այսինքն՝ կազմում էր բավական զգալի մի գումար: Ըստ որում, ուստի հաշվում արտաքուցվում էին վաճառականների ցուցումները, որոնք տվելի շուտ հակված էին փոքրացնելու, քան մեծացնելու իրենց գրամագլխի չափը: Թվարկված վաճառականները մտնում են Աստրախանի հայ վաճառականության վերնախավի մեջ և գրավում առաջին տեղերը:

Այս վաճառականները վարում էին մեծածախ առևտուր, տմեն տարի Աստրախանի հայկական վաճառատանը վարձում էին 3—5 խանութ, առևտրական օպերացիաներով կապված էին երկրի կարևորագույն կենտրոնների (Մոսկվայի, Մակարևսկայա տոնավաճառի, Կազանի, Նիժնի-Նովգորոդի և մյուսների) հետ: Նրանք գործունյա մասնակցություն էին ցույց տալիս ուս-արևելյան և եվրոպա-արևելյան տարանցիկ առևտրին, ըստ որում, եվրոպա-արևելյան առևտրին մասնակցում էին հայկական առևտրական ընկերության հետ համատեղ:

Տարանցիկ առևտրում այս վաճառականների տարեկան շրջանառությունները ներկայացված են 3-րդ աղյուսակում:

Աղյուսակ 3

Վաճառականի ազգանունը	Մետաքսի տարանցումը Եվրոպա/ուրվիներով			Եվրոպական ապր. տա- րանցումը Անդրկովկաս և Պարսկաստան		
	1744 թ.	1747 թ.	1748 թ.	1745 թ.	1746 թ.	1750 թ.
Տ. և Շ. Միխայլովներ . .	2219	3223	10501	34832	22293	69545
Սերգեյ Իվանով ²	—	9596	27200	—	—	43034
Կալուստ Բունիատով . . .	12011	22400	6632	10834	21913	56,97
Բավիթ Գրիգորև	—	11024	3008	629	11597	9138
Քաչատուր Մելքումով . . .	9155	10129	3446	4289	1296	3607
Ա. և Մ. Իվանովներ	12665	—	—	2035	6474	—
	36050	56452	50787	52619	63573	182721

3-րդ աղյուսակի տվյալները ցույց են տալիս, որ վերոհիշյալ վաճառականների տարեկան շրջանառությունը տարանցիկ առևտրում աճում է և 18-րդ դարի կեսին հասնում հսկայական չափերի: Նախկին հայ վաճառականների և հայկական գաղութը նոր մտածների առևտրական գործունեությունը հայ վաճառականությանը դուրս բերեց առաջին տեղերից մեկը քաղաքի մյուս առևտրականների մեջ:

18-րդ դարի 2-րդ քառորդում Աստրախանում ընակություն հաստատած 67 մանր արտադրողների մեջ մտնում էին տարբեր մասնագիտությունների արհեստավորներ՝ ջուլհակներ, արծաթագործներ, դերձակներ, կոշկակարներ, գլխավորներ, ներկարարներ և այլն: Ամենից մեծ թիվ էին կազմում ջուլհակները:

Տարբեր մասնագիտությունների արհեստավորների գույքային վիճակը միատեսակ չէր: Օրինակ, արծաթագործները և ներկարարները, ընդհա-

¹ Աղյուսակը կազմված է Մաքսային դրքերի տվյալների հիման վրա ֆ. 681, օղ. 1, 1745 Դ., Լ. 3077, 1746 Դ., 3084, 1747, Լ. 3086, 1748 Դ., Լ. 3091, 1750 Դ., Լ. 3098 և ըստ նահանգական գրասենյակի գործի ֆ. 394, օղ. 1, Լ. 307, 1747 Դ., Լ. 75, Լ. 307—443:

² Ս. Իվանովը Աստրախան է եկել Շամախիից 1746 թվականին և ուսական հպատակություն է ընդունել 1747 թվականի հունվարին:

նուր առմամբ, ավելի ունևոր էին, քան կոշկակարները և դերձակները։ Առաջինների համարյա կեսը ուներ իր տունը զանազան շինություններով, մինչդեռ երկրորդների մեծամասնությունը ապրում էր վարձու տներում կամ ռապարների սենյակներում»։ Առաջիններից ոմանք ունեին որոշակի դրամագլուխ և խանութներ։ Կոշկակարների մեջ այդպիսիք չկային, դեռ ավելին, ռատնաուզի տվյալներով նրանք բոլորը իրենց արհեստով հնազանդ էին օրվա հացը վաստակում¹։

Այս տեսակետից ամենից ավելի բնորոշ օրինակ կարող են ծառայել ջուլհակ արհեստավորները։ Նրանցից ոմանք, ինչպես, օրինակ՝ Հարություն Եղգարովը, Իվանիս Մխիթարովը, Կարապետ Բերուկը, Նիկիտա Գրիգորյանը, Պաշիկ Եվդոկիմովը ունեին 1—2 դազգահ և տարեկան արտադրում էին մի քանի տասնյակ ուլերու արտադրանք, մյուսները, ինչպես Սարգիս Իվանիսովը, Թումա Կիտանը, Մեսրոպ և Սահակ Մոսեկները, Վարակ Իվանիսովը ունեին 3—5 դազգահ, շահագործում էին երկու-երեք վարձու քան-վորի աշխատանքը և ամեն տարի շուկա էին հանում մի քանի հարյուր ուլերու արժողությամբ պատրաստի գործվածքեղեն։ Վերջինները փաստորեն վերածվել էին ոչ մեծ արհեստանոցների տերերի։ Որոշ մանր արտադրողներ, ինչպես, օրինակ՝ Դավիթ Կարապետովը, Գևորգ Արտեմևը, Գրիգոր Անտոնովը և Մանուկ Բաղիկովը արհեստին զուգընթաց զբաղվում էին նաև առևտրով։ Ռատնաուզի տվյալների համաձայն նրանք ունեին 150 — 200 ուլերու ռեսիական դրամագլուխ²։

18-րդ դարի երկրորդ քառորդում արհեստավորների նոր խմբի առհասումը Աստրախանի հայկական գաղութը, նպաստեց մանր արտադրության զարգացմանը։ Պետք է հաշվի առնել, որ ջուլհակներ կային միայն հայերի մեջ և Աստրախանում մետաքսի առաջին մանուֆակտուրաների հիմնադիրները հայ վաճառականներն էին։ Իսկ արծաթագործների քանակով հայկական գաղութը 18-րդ դ. կեսերին գնում էր մյուս թաղամասերի և նույնիսկ աստրախանյան պոսադի առջևից։

Այսպիսով, Աստրախանում ջուլհակային արդյունաբերությունը իր զարգացմամբ հիմնականում պարտական էր հայ արհեստավորների ջանքերին և հայ վաճառականների դրամագլուխներին։

Աստրախանի հայկական գաղութի 18-րդ դարի 1-ին կեսի բնակչության սոցիալական կազմը ուսումնասիրելու համար մենք օգտագործել ենք 1724 թ. ստուգման ցուցմունքները և 1744 թ. ամփոփագրերը՝ կազմված դաղութի ավագների կողմից։

Ստուգման ցուցմունքների նյութը լրացված և ճշտված է 1744 թ. ամփոփագրով, որը պարունակում է որոշ տեղեկություններ առաջին ստուգման մասին, և մաքսագրերի տվյալներով։

1744 թ. ամփոփագրի տվյալները լրացված են նյութերով այն հայերի մասին, որոնք հաստատվել են առաջին ստուգումից հետո մոտակա տարիներին (1744—1747)։

¹ ГААО, оп. 1, доп. д. 76, л. 273.

² ГААО, ф. 394, оп. 1, доп. д. 76, лл. 160—193, 267—268; ф. 681, оп. 1, 1747 г., л. 632 («Книга сбора пошлин с заведенных при Астрахани разных чинов людьми фабрик») «Ֆարրիկա» տերմինը այն ժամանակ նշանակում էր թե մանուֆակտուրային տիպի ձեռնարկություն, և թե մանր տնայնագործություն։ Տվյալ դեպքում խոսքը վերաբերում է տնայնագործությանը։

Ստորև բերվող աղյուսակում ներկայացված է հայկական գաղութի սոցիալական կառուցվածքը, ըստ որում, բերվող տվյալները վերաբերում են ընտանիքների ղեկավարներին¹:

Աղյուսակ 4

Թվա- նիշ	Ընտանիք- (տղ. գե- կավարներ)	Ն ր ա ն ց ի ց													
		Առևտրա- կաններ		Գործա- կատար- ներ		Արհես- տավոր- ներ		Վարձու- րանվոր- ներ		Ծառաներ		Աղքատ- ներ		Այլք	
		քան.	0/0	քան.	0/0	քան.	0/0	քան.	0/0	քան.	0/0	քան.	0/0	քան.	0/0
1724	176	43	24,4	9	10,8	22	12,5	24	13,6	28	15,9	—	—	40	22,7
1747	453	116	25,8	25	5,7	148	32,7	79	17,4	49	10,8	19	4,2	17	3,7

Ա 4 աղյուսակի տվյալներից երևում է, որ 18-րդ դարի երկրորդ քառորդում հայկական գաղութում նկատվում է բնակչության սոցիալական բոլոր խմբերի բացարձակ աճ, իսկ գլխավորապես արհեստավորների և առևտրականների աճ, առաջինների քանակն ավելացել է 7 անգամ, երկրորդներինը՝ 2,7 անգամ: Ըստ որում, բնորոշ է, որ առևտրականների տեսակարար կշիռը գաղութի աղգարնակչության մյուս խավերի մեջ փոփոխություն չի կրել, մինչդեռ արհեստավորների տեսակարար կշիռը աճել է 120%-ից (1724 թվականին) մինչև 32,7%-ի (1747 թվականին): Ինչ վերաբերում է բնակչության մյուս խավերին, ապա պետք է նշել վարձու բանվորների թվի զգալի աճը և ընչազուրկների համեմատաբար մեծ խմբի առաջ գալը, որոնք, ըստ երեւիության, գոյություն ունեին և առաջին ստուգման շրջանում՝ «գրամագլուխ և արհեստ» չունեցող մարդկանց մեջ:

Դժվար չէ նկատել նաև, որ այս բոլոր խմբերի բացարձակ աճի հետ մեկտեղ, նրանց տեսակարար կշիռը գաղութի մնացյալ աղգարնակչության մեջ 18-րդ դ. 2-րդ կեսի մոտերքին ընկնում է: Սա վերաբերում է, նախ և առաջ ճորտերին, ծառաներին և գործակատարներին:

Դադութի բնակչության այսպիսի սոցիալական կառուցվածքը, նրա բնակիչների միջև ունեցված քային խիստ շերտավորման անկախությունը, չքավորության և քայքայված մանր արտադրողների շահագործումը վաճառականների և ունեոր արհեստավորների կողմից, վաճառականական վերնախավի ձգտումը՝ հարկերի և զանազան պարհակների ողջ ծանրությունը դրել աշխատավոր խավերի վրա, անխուսափելիորեն պետք է հայկական գաղութի ներսում սոցիալական սուր հակասություններ և դասակարգային պայքար առաջ բերեն:

¹ ЦГАДА, ф. 100, 1713 г., д. 1, лл. 147, 252; 1717 г., д. 1, лл. 199—201; 1719 г., д. 1, лл. 135—136; ф. 350, 1724 г., д. 147; ГАОО, ф. 394, оп. 1, 1724 г., д. 81; 1726 г., д. 112; ф. 681, оп. 1, 1725 г., д. 3061; ф. 304, оп. 1, доп. д. 47, лл. 137—153 об.; д. 76, лл. 175—196 об.; 201 об., 203, 209 об., 265—268.

² 1724 թ. «այլք» խմբի մեջ մտնում էին 15 մարդ, որոնց մասին ասված է, թե նրանք «գրամագլուխ և արհեստ չունեն», նրանցից 8-ը այդեպան են, 4-ը՝ թարգմանիչ, 3-ը հողերական, 1747 թ. 6 հողերական, 5 այդեպան, 4 ռատնաուղի ծառայող և 2 երաժիշտ: